

Na temelju člana 15. i 16. Zakona o osnovnoj školi (Službene novine Srednjobosanskog kantona broj 11/01; Službene novine Srednjobosanskog kantona broj 17/04), Ministarstvo obrazovanja, nauke, mladih, kulture i sporta Srednjobosanskog kantona (u daljnjem tekstu: Ministarstvo) donosi

**IZMJENE I DOPUNE
NASTAVNOG PLANA I PROGRAMA
OD VI. DO IX. RAZREDA DEVETOGODIŠNJE OSNOVNE ŠKOLE ZA ŠKOLE KOJE
REALIZIRAJU NASTAVU NA BOSANSKOM JEZIKU
U SREDNJOBOSANSKOM KANTONU**

I.

Ovim Izmjenama i dopunama Nastavnog plana i programa od VI. do IX. razreda devetogodišnje osnovne škole za škole koje realiziraju nastavu na bosanskom jeziku (Rješenje br.01-38-480/14 od 28.4.2014.,) sadržajno se **dopunjuje** naslov Struktura nastavnog plana i programa i **mijenja se** nastavni plan i program od VI. do IX. razreda osnovne škole u kojima se nastavni proces realizira na bosanskom jeziku na području Srednjobosanskog kantona.

II.

Dopune Nastavnog plana i programa od VI. do IX. razreda devetogodišnje osnovne škole za škole koje realiziraju nastavu na bosanskom jeziku (u daljnjem tekstu. Kurikulum) sadržajno upotpunjuju naslov Struktura nastavnog plana i programa u smislu uvođenja novih pojmovnih određenja i jasnije definiranje postojećih i to:

- **Kurikulum** predstavlja dokument kojim se definira društveni aspekt odgoja i obrazovanja. Kurikulum čine odgojni i obrazovni ciljevi i zadaci, nastavni plan, nastavni programi svih predmeta ili područja (kurikulum nastavnih predmeta), ishodi učenja, organizacijski aspekti i evaluacija.
- **Kurikulumom nastavnih predmeta (predmetni kurikulum)** određuju se svrha i ciljevi učenja i poučavanja nastavnog predmeta, struktura pojedinog predmeta u cijeloj odgojno-obrazovnoj vertikali, odgojno-obrazovni ishod i/ili sadržaji, pripadajuća razrada i opisi razina usvojenosti ishoda, učenje i poučavanje te vrednovanje u pojedinom nastavnom predmetu, te popis potrebnih kvalifikacija nastavnika (profil i stručna sprema) za izvođenje određenog predmetnog kurikuluma.
- **Nastavnim planom** određuje se oblik izvođenja kurikuluma (obavezno, izborno, fakultativno, **međupredmetno i/ili interdisciplinarno**), godišnji broj časova i njihov raspored po razredima. Nastavni plan može biti zajednički za razinu, odnosno vrstu na pojedinoj razini obrazovanja, te se može donijeti i uz kurikulum određenoga nastavnog predmeta.

III.

Izmjene Nastavnog plana i programa programa od VI. do IX. razreda devetogodišnje osnovne škole za škole koje realiziraju nastavu na bosanskom jeziku (u daljnjem tekstu: Kurikuluma) odnose se na preuzimanje (Ustupanje predmetnih kurikuluma - suglasnost br: 10-34-7329/25 od 16.4.2025.) i donošenje kurikuluma za:

a) Nastavne predmete:

- Kurikulum nastavnog predmeta **Bosanski jezik i književnost** za osnovnu školu
- Kurikulum nastavnog predmeta **Engleski jezik** za osnovnu školu
- Kurikulum nastavnog predmeta **Njemački jezik** osnovnu školu
- Kurikulum nastavnog predmeta **Turski jezik** za osnovnu školu
- Kurikulum nastavnog predmeta **Arapski jezik** za osnovnu školu
- Kurikulum nastavnog predmeta **Matematika** za osnovnu školu
- Kurikulum nastavnog predmeta **Biologija** za osnovnu školu
- Kurikulum nastavnog predmeta **Geografija** za osnovnu školu
- Kurikulum nastavnog predmeta **Historija** za osnovnu školu
- Kurikulum nastavnog predmeta **Informatika** za osnovnu školu
- Kurikulum nastavnog predmeta **Fizika** za osnovnu školu
- Kurikulum nastavnog predmeta **Hemija** za osnovnu školu
- Kurikulum nastavnog predmeta **Likovna kultura** za osnovnu školu
- Kurikulum nastavnog predmeta **Muzička kultura** za osnovnu školu
- Kurikulum nastavnog predmeta **Tjelesna i zdravstvena kultura** za osnovnu školu
- Kurikulum nastavnog predmeta **Tehnička kultura** za osnovnu školu
- Kurikulum nastavnog predmeta **Kultura življenja** za osnovnu školu
- Kurikulum nastavnog predmeta **Demokratija i ljudska prava** za osnovnu školu
- Kurikulum nastavnog predmeta **Vjeronauka** za osnovnu školu

a) b) Ostale oblike odgojno-obrazovnog rada:

Odjeljska zajednica

IV.

Kurikulumi nastavnih predmeta (predmetni kurikulum) iz tačke III. ovih Izmjena i dopuna sastavni su dio ovih Izmjena i dopuna i isti će biti objavljeni na web stranici Ministarstva www.mozks-ksb.ba.

V.

Ove Izmjene i dopune stupaju na snagu danom donošenja i objavit će se u Službenim novinama Srednjobosanskog kantona, a primjenjuju se od školske 2025./2026. godine.
Broj: 03-34-1108/25
Travnik, 7.8.2025. godine



MINISTAR

Bojan Domić